

Wonderkamp? Noord Boland??



Watergat

April 2013

Nadat ons almal vir *Maande Gewonder* het waar ons eerste *Wonderkamp* gaan wees ~ het die dag toe uiteindelik aangebreek ~ om die woonwa te pak ~ leidrade in te samel ~ bordjies en vaandels te soek ~ en by die kampterrein uit te kom!




Wat 'n pragtige terrein, tussen die Bolandse berge – waar kan dit nou mooier wees!!?

Onder ... daar is ook 'n "wollie-ball" baan ... of daar kan ook pluimbal gespeel word ...



Regs: Daar is ook 'n heerlike swembad ~ wanneer die warm somersmaande aanbreek ~ sal jy heerlik kan afkoel! En daar is nog verrassings en verbeterings in die pyplyn ...





Ons het ons eie honde oppassers gehad gedurende die naweek! Sien waar le hy my en dophou onder die dakkie!

Daar is ook 'n bietjie lekker "pluimbal" gespeel ... onder 'n paar veterane!!

Links is: Fred
en Winnie

....

Teen

Regs:

Greg &
Marietjie



Hulle moes bontstaan hoor!!






Dit is 'n pragtige – goed versorgde terrein wat ons definitief weer sal besoek!

Die terrein is ongelukkig net nie in die winter beskikbaar nie – a.g.v. die baie reen en nattigheid vanuit die wingerde.

Klompie eende wat lekker rondswem op die water.



Die kinders het ook lekker geswem en visgevang gedurende die naweek. Onder is Marietjie en Marile en Edwin.



Deel 2
vervolg



Wonderkamp? Noord-Boland? Watergat?



Deel 2

Vrydagaand is ons aand toe afgeskop met 'n heerlike kaas en wyn ... ons moes nie verniet 'n bottle wyn koop en inhandig by die kelders waar ons leidrade gekry het nie ... hier het dit nou handig te pas gekom!

Almal het lekker gesit en gesels en kuier
...

Daarna is daar natuurlik nog gebraai ook, 'n Vrydagaand kan tog nie sonder 'n braai begin word nie!




Hier staan die manne om die vuur ...
Marius – Edwin – Greg en Hannes.



Die natuurskoon hier is pragtig – en ons het ook heerlike weer gehad – kon nie vra vir beter nie!

Saterdagoggend was almal net rustig en het verskillende rigtings ingery om die omgewing te verken – Worcester Kleinplasie te besoek – tussen die berge in te ry en van die wynplase te besoek. Daar is ook lekker koffie gedrink en koek geeet!





Deel 3 vervolg

Wonderkamp? Noord-Boland? Watergat?



Deel 3

Van vroeg Saterdagmiddag af is die vure toe gestook vir ons Wonder-ete van die aand!!



Regs staan Johan & Fred gereed ~ vir die maak van die hoender-potjies –

En onder is Johan & Greg – in beheer van die Lamspot.



En onder is die hele span dames besig om die groente te skil vir die potte – so tussen al die lag en gesels deur ... was die takie sommer vinnig klaar.





Links is ons Pampoensop en Boontjesop te sien en onder ons Tuna Quiche voorgereg ~ wat saam met lekker broodjies bedien is!



Vroegmiddag al het ons so rustig begin eet ~ eerste ons sop ~ toe ons Tuna Quiche ~ en tussen elke gang bietjie rondgeloop en kyk hoe die ander geregte vorder en ... rugby gekyk!



Fred kyk net gou
... ja nee wat ...

Potte vorder
goed!





en toe is dit uiteindelik tyd dat die hoofgereg aanbreek ~ onder is die lamspotjie te sien ~ en is daar nie heerlik gesmul nie!

Links is Pieter besig om te skep.



Onder – Marietjie en Greg – eet ook lekker aan die potjies – na al die swoeg met die lamspot Greg – dit het heerlik gekom!!



Elkeen wat sy leidraad gekry het by die Goudini wynkelder of Du Toits Wynkelder – het dan daarin ook sy pligte vir die naweek ontvang – en Greg en Marietjie was toe ons kampleiers vir die naweek – en het hulle uitstekend van hulle taak gekwy – baie dankie!!

Hier was ons spanne toe – soos hulle dit getrek het vir die naweek se Safari-ete!! Verantwoordelik vir die Vrydag-aand se kaas en wyn: Fred en Corrie Schmiedeskamp

Saterdag-aand se wonder-ete: Maak van Sop voorgeregt: Marietjie Albrecht en Corrie Schmiedeskamp – opskep van sop: Gert & Ella Rossouw en Anna Oosthuizen. Maak van Tuna Quiche – Corrie & opdiening daarvan: Johan & Manda du Preez & Pieter & Winnie Grove.

Lampotjie span: Greg & Marietjie Albrecht & Hannes & Elsabe Schlechter. Hoenderpotjie span: Johan & Betsie Smith & Marietjie Theron – Fred het ook hier gehelp. Die rys pot was: Marius & Alma vd Mescht – maar soos julle weet – kan Marius nie rondsit as daar potte gemaak word nie – en het sommer oral gehelp! Die Nagereg – heerlike Malva poeding en vla se opwarming en bediening was Stefan & Erica Grobler se taak. Daarna is heerlik koffie gedrink uit Hannes se ou groot koffiepot!!

Marius & Alma en Manda & Johan was verantwoordelik vir die teedrink na Sondagoggend se erediens.

Deel 4 vervolg

Wonderkamp? Noord-Boland? Watergat?



Deel 4

Hier stel Fred vir Dr Piet van Staden voor, wat vir ons 'n baie goeie preek gegee het die Sondagoggend. Daarna het ons lekker saamgekuier en tee-gedrink.



Dit was natuurlik ook **Noord-Boland**
se **30ste Verjaardag!!!** En op hierdie
manier is dit behoorlik **gevier!!**



Elkeen het 'n verjaardag koekie gekry! Heerlik!





Regs oorhandig Tannie Anna Fred & Corrie se 120 Streek plaatjie.

Onder word ons Seniors se plaatjies oorhandig wat die Nasionale saamtrek by Oostewal bygewoon het: V.l.n.r.:

Johan & Manda du Preez, Anna Oosthuizen, Winnie & Pieter Grove.

Fred oorhandig die kampleier plaatje aan Greg & Marietjie! Dankie vir julle bereidwilligheid om die naweek te hanteer ~ dit was baie lekker!



Pieter & Hester Brand, Albert & Estee Richter en Hannes & Elsabe Schlechter het ook die Nasionale saamtrek bygewoon.

Regs oorhandig Fred - Winnie & Pieter Grove se 10 streek plaatjie.

Baie Geluk aan almal wat plaatjies ontvang het.






Die res van die Sondag was almal net lekker rustig en het nog tot laat toe saamgekuier.

Party het middagslapies geneem.



Kyk die oulike braai wat jy hier kan gebruik.



Oppad terug



*Saamgestel deur:
Corrie Schmiedeskamp*